



## INICIJATIVA

Za osnivanje

### **BOSNIA INTERNATIONAL**

#### **Šta je BOSNIA INTERNATIONAL?**

BOSNIA INTERNATIONAL je međunarodno, multinacionalno udruženje Bosanaca i Hercegovaca, bosanske dijasporne, prijatelja Bosne i Hercegovine i svih osoba koji kroz etničko, nacionalno, jezičko ili bilo koje porijeklo imaju vezu sa Bosnom i Hercegovinom, te koji žele da kroz učvršćivanje veze bosansko-hercegovačkog društva sa Evropskim i zapadnim društvima doprinesu razvoju Bosne i Hercegovine. BOSNIA INTERNATIONAL je udruženje koje ima otvoreno članstvo kako za fizička tako i za pravna lica, te koje kroz metode uvezivanja pomaže implementaciji projekata kako u BiH tako i u Evropi a sve u cilju potpore Bosni i Hercegovini ali i svojim članovima.

#### **Šta je cilj BOSNIA INTERNATIONAL-a**

Cilj BOSNIA INTERNATIONAL-a je prije svega uvezivanje onih ličnosti i institucija koje su značajne za bolju organiziranost dijasporne Bosne i Hercegovine u Evropi, te njeno ekonomsko, političko i kulturno uvezivanje sa Bosnom i Hercegovinom. BOSNIA INTERNATIONAL također kroz posebno nastojanje uvezivanja stručnjaka i uspješnih poduzetnika iz dijasporne želi da pruži iskustvenu podršku vlastima i institucijama Bosne i Hercegovine u ubrzanju puta Bosne i Hercegovine ka članstvu u Evropskoj uniji, te pored toga da učestvuje u što boljoj pripremi ekonomije Bosne i Hercegovine za članstvo u Evropskoj uniji. Poseban naglasak se stavlja na činjenicu da stručne kadrove želimo uvezati sa Bosnom i Hercegovinom i da kroz institucionalnu suradnju sa institucijama u Bosni i Hercegovini ali posebno kroz matično udruženje u Bosni i Hercegovini utičemo na društvene-ekonomske i političke procese i odnose. Cilj BOSNIA INTERNATIONAL-a je također da olakša i ekonomsku suradnju dijasporne Bosne i Hercegovine sa Bosnom i Hercegovinom, posebno kroz modalitet zagovaranja i kreiranja ekonomskih reformi u samoj Bosni i Hercegovini, te savjetovanju kako institucija tako i potencijalnih investitora o postupcima potrebnim za uspješno investiranje. BOSNIA INTERNATIONAL će poseban naglasak staviti i na obrazovanje mladih kako u BiH, tako i u dijaspori. Cilj nam je prije svega očuvanje jezika, kulture i svijesti kod novih generacija koje odrastaju izvan Bosne i Hercegovine, te njihovo aktivnije uvezivanje sa BiH. Uz to nastojimo da utičemo kroz vlastite aktivnosti na poboljšanje kvaliteta obrazovanja u Bosni i Hercegovini, a posebno kroz

omogućavanje prenosa znanja stručnjaka koji su stekli svoje obrazovanje van BiH na novije generacije u Bosni i Hercegovini. Potencijalni modaliteti te suradnje se mogu ogledati kroz partnerstva sa javnim ili privatnim univerzitetima i obrazovnim institucijama u BiH, ili uz eventualno osnivanje svojih obrazovnih institucija u nekoj budućnosti.

## **TAKSATIVNO NABROJANI CILJEVI**

- Povezivanje BiH društva sa dijasporom iz BiH i društvima drugih evropskih država;
- Promocija Bosne i Hercegovine u Evropi kao evropske države, evropskih vrijednosti i evropskom kulturom;
- Poboljšanje ekonomske suradnje BiH sa evropskim državama i dijasporom;
- Poboljšanje kulturne suradnje BiH sa evropskim državama i dijasporom;
- Poboljšanje obrazovne suradnje BiH sa evropskim državama i dijasporom;
- Snažnije uvezivanje dijasporskog korpusa iz Bosne i Hercegovine u Evropi;
- Stvaranje pozitivnog utjecaja na društvene, političke i ekonomske procese u Bosni i Hercegovini;
- Zagovaranje evropskog puta BiH i njene integracije u EU, te pomaganje u učestvovanje u procesu pristupa BiH Evropskoj uniji.
- Promocija kulture i historije Bosne i Hercegovine u Evropi i kreiranje prijateljskih odnosa evropskih država naspram Bosne i Hercegovine.

## **UREĐENJE I OBLIK BOSNIA INTERNATIONAL-a**

BOSNIA INTERNATIONAL je međunarodno udruženje građana koje djeluje kao mreža sa svojim ograncima u svakoj evropskoj državi u kojoj ima značajni broj dijaspore iz Bosne i Hercegovine, a koje je svojim glavnim sjedištem bazirano u Bosni i Hercegovini kao matično udruženje. Organizacijski se BOSNIA INTERNATIONAL dijeli na slijedeće oblike:

- Matično udruženje
- Nacionalni ured
- Lokalni ured
- Povjerenički ured

Nacionalni uredi se osnivaju u slučaju da BOSNIA INTERNATIONAL ima 60 ili više članova u jednoj državi. Lokalni uredi se osnivaju ukoliko BOSNIA INTERNATIONAL ima 30 ili više članova u određenoj regiji. Povjerenički ured se osniva ukoliko BOSNIA INTERNATIONAL ima 7 ili više članova u određenoj državi.

**Matično udruženje** predstavlja krovnu organizaciju koja okuplja sve ostale organizacije iz cijele Evrope. Zbog svoje simbolike je cilj da matično udruženje ima svoje sjedište u Sarajevu, kao glavnom gradu Bosne i Hercegovine. Matično udruženje ima svoje organe:

- Generalna skupština kao najviši organ (predstavnicima nacionalnih i BH ureda) po 5 članova iz svakog nacionalnog ureda.
- Upravni odbor (izabrani predstavnici tokom skupštine) Ukupno 7 + 2 potpredsjednika + generalni sekretar i 1 predsjednik – Ukupno 11 članova – Svaki član upravnog odbora ima svoj

„resor“ u kojem je aktivan i za koji sastavlja svoj tim. Npr. Obrazovanje, ekonomija, politika, kultura, sport itd.

- Nadzorni odbor – Ukupno 5 članova
- Dva potpredsjednika
- Generalni sekretar
- Predsjednik

**Nacionalni ured** je udruženje na nivou jedne države a koje je osnovano u skladu sa zakonskom normama date države u kojoj se osniva. Svaki nacionalni ured ima autonomiju djelovanja ali u skladu sa Statutom BOSNIA INTERNATIONAL-a, programom, godišnjim planom i odlukama upravnog odbora i generalne skupštine. Svaki nacionalni ured je odgovoran za vlastito djelovanje i za aktivnosti u svojoj državi. Pored toga nacionalni uredi osnivaju lokalne urede u onim lokalnim pokrajinama ili gradovima u kojima postoji posebno visoka koncentracija dijaspore BiH i onih koji bi se uključili u BOSNIA INTERNATIONAL.

Interno uređenje nacionalnog ureda:

- Skupština kao najviši organ (svi članovi iz navedene države ili delegati)
- Upravni odbor (izabrani predstavnici tokom skupštine) Ukupno 6 + 1 potpredsjednika + generalni sekretar i 1 predsjednik – Ukupno 9 članova – Svaki član upravnog odbora ima svoj „resor“ u kojem je aktivan i za koji sastavlja svoj tim. Npr. Obrazovanje, ekonomija, politika, kultura, sport itd.
- Nadzorni odbor – Ukupno 5 članova
- Potpredsjednik
- Sekretar
- Predsjednik

**Lokalni ured** je jedinica organizovanja BOSNIA INTERNATIONAL-a na nižem nacionalnom nivou. Nacionalni ured može osnovati više lokalnih ureda u skladu sa potrebama. Članovi lokalnog ureda su automatski punopravni članovi nacionalnog ureda i delegiraju svoje članove u skupštinu u nacionalnom uredu.

Interno uređenje lokalnog ureda:

- Skupština
- Upravni odbor (5 članova + sekretar + predsjednik)
- Sekretar
- Predsjednik

**Povjerenički ured** je organizacijski nivo BOSNIA INTERNATIONAL-a koji ima za cilj da preraste u nacionalni ured. Povjerenički ured se osniva ukoliko BOSNIA INTERNATIONAL ima više od 7 članova u određenoj državi koji su voljni da aktivno djeluju kao povjerenici u određenoj državi.

Interno uređenje povjereništva:

- Inicijativni odbor svi članovi
- Povjerenik
- Sekretar povjereništva

## FINANSIRANJE

Finansiranje BOSNIA INTERNATIONAL-a se vrši kroz slijedeće oblike:

- Članarine;
- Poklone i donacije;
- Projektnih grantova i sredstava;
- Prihode od vlastitih aktivnosti.

**Idejni tvorac**

**Ernad Deni Čomaga LL.M.**

